

LAPORAN TAHUNAN HEPA 2022

PUSAT PERHUBUNGAN ALUMNI UPM

BAHAGIAN A:

PENDAHULUAN – tidak wajib

BAHAGIAN B:

INISIATIF

- Inisiatif untuk mempererat jalinan alumni dan menyuburkan semangat alumni berbakti (giving back) kepada *alma mater* telah diadun secara bersepada melalui pengukuhan keakraban dan sinergi antara warga alumni dan UPM selari dengan aspirasi ke-11 Naratif Naib Canselor 2022 “Melibatsama Alumni Untuk Kelangsungan Universiti”. Aspirasi tersebut menuntut sokongan dan komitmen daripada para alumni dalam usaha memperkasakan jalinan hubungan dan aktiviti melalui pendekatan inovasi sosial sebagai representasi signifikannya alumni kepada UPM.
- Tiga teras utama dalam melestarikan keakraban dan sinergi alumni berpandukan slogan “Dari Alumni kepada UPM”, bermula dengan menjelaki alumni bagi mewujudkan satu pangkalan data yang aktif, menyemarakkan semangat kekitaan, kebanggaan dan kesukarelawan melalui pelaksanaan program yang berimpak dan akhirnya membudayakan semangat kedermawanan alumni dalam menyokong UPM ke arah menyediakan sumbangan endowmen untuk tujuan pemberian biasiswa, bantuan insaniah dan bantuan permulaan pendidikan kepada pelajar miskin dan kurang bernasib baik serta memperuntukkan hadiah/ anugerah kecemerlangan akademik kepada pelajar.

BAHAGIAN C:

(A) PELAKSANAAN DAN PENCAPAIAN

Pada 2022, Pelan Strategik H.E.P.A. (Holistic, Empowerment, Patriotisme, Advancement) telah berjaya menjana 39 aktiviti yang menjurus kepada lapan (8) teras utama, dan meraih penyertaan sebanyak 1091 pelajar secara keseluruhannya. Maklumat pencapaian keseluruhan inisiatif mengikut teras, bilangan aktiviti dan penyertaan pelajar adalah seperti Jadual X berikut:

Jadual X: Pencapaian Pelaksanaan Aktiviti Pembangunan Holistik Pelajar Mengikut Teras

Teras	Bilangan Aktiviti	Jumlah Penyertaan
Kelestarian Pertanian	1	19
Pendigitalan		
Kesukarelawan		
Kebolehpasaran Graduan		
Keusahawanan	13	46
Pengantarabangsaan	1	10
Patriotisme dan Perpaduan		
Kehidupan Kampus	24	1016

TERAS PERTAMA : KELESTARIAN PERTANIAN

Satu projek kelestarian pertanian iaitu Megachilli Alumni 2021-2022 telah dijalankan melibatkan 19 pelajar daripada Kolej Sultan Alaeddin Suleiman Shah (KOSASS) dan Kolej Pendeta Za'ba (KPZ). Projek Megachili Alumni ini menerima dana melalui Geran Aktiviti Jalinan Alumni, ARCUPM bernilai RM5,000.00 dan beberapa sumbangan alumni/rakan industri berjumlah RM26,490.00 iaitu daripada Encik Lee Boon Kah, Humibox (M) Sdn Bhd (RM1,500.00), Bajanas Enterprise (baja penanaman bernilai RM5,000.00) dan Jabatan Pertanian Negeri Selangor (RM19,990.00). Projek ini telah membawa hasil yang membanggakan apabila mampu menjana hasil tuaian cili sebanyak 450kg yang bernilai RM9,474.00.



Sebahagian daripada hasil tuaian cili daripada Projek Megachilli 2021-2022



Pengurusan ARCUPM meninjau tapak penanaman cili di KOSASS

TERAS KELIMA : KEUSAHAWANAN

Putrabiz@Alumni adalah kenderaan *buggy* yang telah diubahsuai dan disumbangkan oleh Encik Norashedy Ab. Rashid (Alumni Kelas 1999 dan 2004), Ketua Pegawai Eksekutif, Usaha Jana Sdn. Bhd. bagi kegunaan pelajar di bawah Chapter Student Ambassador (CSA) untuk melaksanakan program dan aktiviti keusahawanan.

Sebanyak 13 program/ aktiviti keusahawanan telah dijalankan yang melibatkan penyertaan 46 pelajar CSA antaranya:

- a. Penjualan cenderahati dan pengagihan roti/makanan semasa Majlis Konvokesyen UPM kali ke-44, 45 dan 46.
- b. MEKAR Siri 3 Kejohanan Ragbi Sentuh Tertutup Alumni Serdang Angels Piala Hamdan.
- c. Perniagaan hari Jumaat.
- d. Penjualan Sampul Raya Eksklusif Alumni sempena Sambutan Hari Raya Aidilfitri.
- e. Agihan Sumbangan Pek Makanan Berbuka Puasa kepada pelajar UPM sempena program Mawaddah Ramadan dan Majlis Iftar Mega Putra.

Projek Putrabiz@Alumni telah membuka ruang dan peluang kepada pelajar untuk mengasah kemahiran dan bakat keusahawanan mereka bermula dari alam kampus dan seterusnya boleh dimanfaatkan apabila mereka bergraduat. Dengan adanya kemahiran keusahawanan ini konsep menunggu tawaran pekerjaan dapat diubah kepada prinsip mencipta peluang pekerjaan untuk diri sendiri.



Kenderaan *buggy* bagi projek keusahawanan Putrabiz@Alumni



Penyertaan pelajar Chapter Student Ambassador dalam projek keusahawanan PutraBiz@Alumni



Pelajar memulakan aktiviti keusahawanan menggunakan *buggy* sumbangan alumni

TERAS KEENAM : PENGANTARABANGSAAN

Satu program berkaitan pengantarabangsaan iaitu Mobiliti Pelajar UPM: Kembara Dunia Yogyakarta, Indonesia telah dilaksanakan yang melibatkan penyertaan 10 pelajar di bawah Chapter Student Ambassador (CSA).

Pendanaan pelajar ke program mobiliti di Universitas Gadjah Mada, Yogyakarta, Indonesia adalah daripada hasil penjanaan pendapatan projek Putrabiz@Alumni berjumlah RM10,067.12 dan ia turut dibiayai oleh beberapa penaja yang lain.

Program ini memperkasa program silang budaya antara negara dan bangsa global serta turut memberi pendedahan dan interaksi sesama pelajar mengenai konsep kesedaran, penghargaan, pemahaman dan tanggungjawab bersama.



Pelajar Chapters Student Ambassador (CSA) sesi 2022/2023 dalam Program Mobiliti Pelajar UPM: Kembara Dunia Yogyakarta, di Universitas Gadjah Mada, Indonesia



Pemindahan dan perkongsian ilmu kepada para pelajar antara agenda yang diutamakan dalam Mobiliti Pelajar UPM: Kembara Dunia Yogyakarta



Aktiviti perkongsian dan pemindahan ilmu dengan mempelajari cara-cara penghasilan sosej

TERAS KELAPAN: KEHIDUPAN KAMPUS

Sebanyak 24 program kehidupan kampus yang berjaya dilaksanakan pada tahun 2022 seperti berikut:

No.	Program
1	Mekar Siri 3/2022: Serdang Angels Hamdan Cup
2	Mekar Siri 4/2023 : Chapter Sastera Dan Budaya
3	Majlis Mesra Alumni
4	Mekar Siri 8/2022 : Majlis Pelancaran Chapter Alumni Astaka Seni
5	Mekar Siri 9/2022: Rumah Terbuka JPPPL
6	Mekar Siri 10/2022: Sambutan Perayaan Jubli Emas Kpm 72
7	Seba Siri 29 : Chapter Alumni JPPPL Coffe Talk Siri 1
8	Seba Siri 30 : Chapter Alumni JPPPL Coffee Talk Siri 2
9	Majlis Mesra Alumni Upm Chapter Borneo
10	Tautan Mahabbah Rumah Anak-Anak Yatim Dan Asnaf Raudhatul Jannah
11	UPM Di Puncak Dunia@Everest : Kepulangan Encik Ravichandran Ke Tanah Air
12	Pelancaran Chapter Alumni Antarabangsa & Mesyuarat Agung Tahunan PAUPM 2022
13	Terra Project : Hiking With Alumni@SISFEC
14	Fraternity Camp CSA
15	Putralova Student & Alumni Volunteers
16	Majlis Sirih Pulang Ke Gagang@Homecoming kali Ke-11
17	Karnival Sukan: Hari Alumni 21 Mei
18	Musaadah Ramadan : Mawaddah Ramadan
19	Kursus Pemantapan Organisasi CSA
20	Mekar Siri 6/2022 : Hi-Tea Kolej Kediaman Cikgu Rashid
21	Mekar Siri 7/2022: Perlawanan Bola Sepak Amal Alumni Serdang Bees 40-an
22	Sesi Penyerahan Bendera Misi UPM di Puncak Dunia@Everest
23	TRACE Johor
24	Mekar Siri 11/2022 : Alumni Matrikulasi UPM Kolej Islam Yayasan Pelajaran Johor Tahun 1998/1999

Setiap program yang dilaksanakan ini berupaya meningkatkan daya kepimpinan dan profesionalisme pelajar melalui penglibatan alumni yang berperanan sebagai mentor dalam berkongsi kepakaran, pengalaman,

jaringan kerjaya dan khidmat nasihat kepada para pelajar untuk mendepani cabaran selepas bergraduat kelak.



Sejam Bersama Alumni (SEBA), program yang banyak memberi manfaat dan perkongsian ilmu daripada alumni berkepakaran dalam bidang masing-masing bersama pelajar



Encik Mohamad Hafidz Ariffin (depan sekali) alumni kelas 2009, Chief Beneficiaries antara alumni yang berkongsi ilmu dan kepakaran bersama pelajar dalam program SEBA



Terra project: Hiking With Alumni. Alumni kelas 1990, Encik Ravichandran Tharumalingam berkongsi kepakaran beliau mengenai menjagaan kelestarian hutan dan pendakian kepada para pelajardi Hutan Simpan Ayer Hitam SISFEC, UPM.

(B) PENCAPAIAN (ANUGERAH/PENGIKTIRAFAN/DLL)



Pencapaian yang telah diraih sepanjang 2022 ialah;

- 1) **Penarafan 4 Bintang Hari Kualiti dan Inovasi** sempena Hari Kualiti dan Inovasi Perkhidmatan (HKIP), UPM 2022.
- 2) **Juara Keseluruhan untuk Pertandingan Read@Uni HKIP**, UPM 2022. Dengan mengetengahkan konsep Little Free Library, sudut bacaan, Laman al-Falah ARCUPM turut menyediakan kemudahan sebuah peranti sumbangan Encik James Ho (Alumni Kelas 1974), Pengurus Yayasan Suria untuk kegunaan para pengunjung.
- 3) **Tempat Pertama Pertandingan Ekosistem Kondusif Sektor Awam (EKSA) bagi kategori (C)** sempena HKIP 2022. ARCUPM berjaya mencapai matlamatnya apabila pembudayaan EKSA berjaya dilaksanakan di ARCUPM dengan mematuhi setiap kriteria yang ditetapkan.

- 4) **Pingat Gangsa Inovasi Perkhidmatan** bagi pangkalan data alumni, *Alumni Information System* sempena HKIP 2022.
- 5) **Saguhati Mencipta Tema HKIP (individu)** sempena HKIP 2022.
- 6) **Tempat keempat bagi Pertandingan Kibarkan Jalur Gemilang dan Pemenang Busana Terbaik Koir Inter-PTJ** sempena Program Semarak Merdeka UPM 2022.



Johan Keseluruhan Anugerah Sudut Bacaan Read@Uni dan Tempat Pertama Anugerah Sudut Bacaan read@Uni (kategori Pusat)




Semangat kerjasama dan kesepakatan membawa kejayaan untuk Pusat Perhubungan Alumni sepanjang 2022

BAHAGIAN D/E

MELIBATSAMA ALUMNI UNTUK KELANGSUNGAN UNIVERSITI: DARIPADA ALUMNI KEPADA UPM

1. Biasiswa dan Bantuan Kewangan Kepada pelajar

Jadual X: Penawaran biasiswa alumni baharu tahun 2022



Jalinan kolaboratif antara alumni dan *alma mater* terus diperkuuh dalam merealisasikan Pelan Strategik H.E.P.A (Holistic, Empowerment, Patriotism, Advancement) 2021-2023. Sebanyak 19 pendanaan biasiswa alumni dengan lima (5) biasiswa baharu dapat dijana pada tahun 2022 yang memberi manfaat kepada pelajar UPM, khususnya golongan asnaf dan B40.

2. Tajaan Tunai dan In-Kind bagi Penganjuran Program

Alumni sebagai suri teladan dan agen perubahan yang banyak menyumbang idea, kepakaran, tenaga dan pendanaan kepada pembangunan kecemerlangan universiti. Justeru, pelaksanaan sebanyak

39 program dengan penglibatan 5640 alumni dan 1091 pelajar telah berhasil menterjemahkan keakraban hubungan alumni dan UPM. Secara keseluruhannya, jumlah tajaan tunai dan in-kind daripada penaja yang terdiri daripada para alumni, rakan industri dan agensi luar pada 2021 ialah RM653,487.12 melepas jumlah sasaran sebanyak RM400,000.00.

Antara program-program yang mencerminkan semangat keserakahan dan melestarikan alumni berbakti kepada *alma mater* seperti berikut:

1) Menggomit Kenangan Alumni Reunion (MEKAR)

Sebanyak lapan (8) siri program MEKAR telah dilaksanakan pada tahun 2022. Salah satunya adalah pelaksanaan program MEKAR Siri 10: Sambutan Jubli Emas Alumni Kolej Pertanian Malaya (KPM) 1972 yang berjaya mengumpul dana sumbangan berjumlah RM80,000.00 bagi tujuan pemberian biasiswa/ endowmen pelajar. Selain itu, beberapa siri program MEKAR berjaya menyumbangkan 23 buah peranti kepada pelajar UPM iaitu MEKAR Serdang Angels Hamdan Cup, MEKAR Chapter Sastera dan Budaya, MEKAR Chapter Alumni JPPPL dan MEKAR TRACE Johor.

Penubuhan empat (4) chapter alumni baharu turut diwujudkan menerusi program MEKAR iaitu, Chapter Astaka Seni, Chapter Sastera dan Budaya, Chapter Alumni JPPPL dan Chapter Alumni OKU UPM bagi jalinan kerjasama strategik pada masa hadapan.



Menggomit memori 50 tahun lalu ketika sama-sama berada di Kolej Pertanian Malaya dan kini kembali ke UPM untuk sambutan Jubli Emas



Sumbangan peranti oleh Chapter Alumni kepada pelajar UPM

2) Musaadah Ramadan

Musaadah Ramadan merupakan satu program kerjasama dengan Persatuan Alumni UPM (PAUPM) bagi menyantuni anak-anak yatim dan asnaf untuk keperluan Ramadan dan Aidilfitri. Program ini turut menyantuni warga kampus dan komuniti sekitar Serdang melalui agihan juadah berbuka puasa secara percuma. Sebanyak RM27,894.26 dan beberapa barang makanan/keperluan telah disumbangkan oleh para alumni bagi menjayakan program ini.



Tautan Mahabbah menyantuni anak-anak yatim



Mawaddah Ramadan: Sumbangan iftar kepada pelajar UPM



Sumbangan iftar oleh alumni kepada pelajar UPM sempena program Mega Iftar UPM

3) Majlis Sirih Pulang Ke Gagang@Homecoming kali-11

Majlis Sirih Pulang Ke Gagang@Homecoming kali-11 bersama DYMM Tuanku Canselor UPM telah berjaya menghimpunkan 800 alumni dan menjana pendapatan berjumlah RM344,450.00 kepada peningkatan dana Tabung Sumbangan Alumni untuk kebajikan pelajar UPM melalui pemberian biasiswa, dermasiswa dan bantuan kewangan pelajar. Libatsama alumni turut diserahkan menerusi kejayaan besar 2022, apabila pembinaan **Menara Jam Warisan Budi** fasa pertama berjaya diteruskan. Menara Jam Warisan Budi ini bakal menjadi landskap ikonik di UPM hasil sumbangan para alumni, warga kampus dan pemegang taruh universiti sebagai bukti ketekunan dan keazaman yang tinggi bagi merealisasikan pembinaan yang hampir 16 tahun ini Lebih memberi makna lagi, LED menara ini juga ditaja oleh alumni UPM kelas 1997 dan 2004, Encik Norashedy Ab. Rashid, Ketua Pegawai Eksekutif (CEO) Usaha Jana Sdn Bhd.



Penyerahan cek sumbangan alumni, warga kampus dan pemegang taruh universiti dalam merealisasikan pembinaan Menara Jam Warisan Budi daripada Pengarah ARCUPM Prod. Madya Dr. Arba'ie Sujud kepada Tuanku Canselor UPM, pada Majlis Sirih Pulang Ke Gagang kali-11.



Keberangkatan hadir Tuanku Canselor UPM ke Majlis Sirih Pulang Ke Gagang@Homecoming kali ke-11 mencerminkan keprihatinan Tuanku dalam menyemarakkan semangat kekitaan dalam kalangan alumni dan *alma mater*.



Dewan Besar, Pusat Kesenian dan Kebudayaan Sultan Salahuddin Abdul Aziz Shah menjadi saksi, 800 alumni dari segenap pelusuk negeri hadir menyemarakkan Majlis Sirih Pulang Ke Gagang@Homecoming kali ke-11



Rekabentuk Menara Jam Warisan Budi

4) Misi UPM di Puncak Dunia@Everest

Kejayaan Misi UPM di Puncak Dunia@Everest telah meningkatkan keterlihatan sumbangan alumni UPM dalam pelbagai bentuk sumbangan secara glokal oleh Encik Ravichandran Tharumalingam (Alumni Kelas 1990). Hasil kejayaan ini turut membuka laluan kepada para pelajar yang berminat dalam bidang pendakian mendapatkan tunjuk ajar daripada pakar pendakian negara dan dunia iaitu Pendaki Solo Negara, Encik Ravichandran.



Sesi penyerahan bendera UPM kepada Ravichandran

di hadapan 600 graduan pada Majlis Konvokesyen UPM Kali ke-44



Timbalan Naib Canselor UPM, Prof. Dr. Arifin Abdu menyambut kepulangan Ravichandran Tharumalingam di KLIA setelah selesai Misi UPM di Puncak Dunia@Everest



Bendera UPM berkibar megah di puncak Gunung Everest atas kejayaan Misi UPM di Puncak Dunia@Everest yang direalisasikan oleh alumni kelas 1990, Ravichandran Tharumalingam

5) Alumni dan Visibiliti

Pada tahun 2022, inisiatif meningkatkan keterlihatan program alumni di media perdana telah memberikan impak yang sangat memberangsangkan apabila sebanyak 206 berita dan artikel berjaya diterbitkan dengan 55 liputan melibatkan media luar UPM. Usaha melonjakkan keterlihatan ini bagi meningkatkan reputasi dan publisiti perihal pentingnya peranan alumni kepada kelangsungan kecemerlangan universiti.

Jadual X: Keratan akhbar keterlihatan program alumni di media luar

CHALLENGING SCENARIO

RAVI EVEREST CONQUERS AGAIN

Mountain climber takes 2 clients, one of them 64 years old, to summit and back

SEPANG

If previously T. Ravichandran had conquered the summit of Everest by himself twice in 2006 and 2007, his third ascent mission, which he successfully accomplished on May 12.

Ravi, popularly known as Ravi Everest, said that this was a different and challenging scenario for him as he had to take along two other climbers, 40 and 64, to the highest peak in the world.

He managed to bring them (clients) up at their own ages being 64 and 40... so of course I am very satisfied and proud," he said.

"For the record, the 64-year-old client is the oldest to successfully conquer Mount Everest compared to other climbers this year," he said after landing at the Kuala Lumpur International Airport (KLIA) here yesterday.

On the return flight, in addition, the 57-year-old said besides ensuring that his clients' physical and mental condition were stable, the unpredictable weather was a challenge.

Hailing from Kuala Pilah, Negeri Sembilan, Ravi said his two clients started to climb on May 2, passing through Camps One, Two and Three before resting on May 8 before resuming the expedition from May 9 to 11. They reached the summit on May 12.

The trip might have been from the summit on May 15.

"Every time there is a new experience, there will be a new challenge, but it is a step to build confidence in me. It's not easy... the coldness of the air makes the fingers very cold and we have to use oxygen cylinders.

"At the same time, I had to ensure our my clients were always stable and did not give up easily to reach the top together."

"It was an amazing moment because you could see the happy expressions on their faces," said the 57-year-old, who is the first Malaysian to have climbed Everest from both the South and North sides from the Indian side.

Meanwhile, determined to conquer Mount Everest for the fourth time next year, the Universiti Putra Malaysia (UPM) alumnus said that he would make thorough preparations to continue his quest for the fourth time doing so without the use of oxygen cylinders. **Bernama**

T. Ravichandran (inset) being garlanded by his wife, Leela Ramamurthy, at Kuala Lumpur International Airport after returning from his third expedition to Mount Everest yesterday. BERNAMA PIX



■博特拉大学学生拉队到机场，迎接拉威占德南凯旋归来。

(吉隆坡22日讯)第3次成功征服珠穆朗玛峰的登山者拉威占德南说，此次登山任务比以往更具挑战。因这次必须带领2名分别40及64岁的队员登上这世界最高峰。

“过程中，我必须确保队员身心健全及意志稳定，因需克服不稳定的严寒气候。不过，队员的成就让我感到非常满足及自豪。”

“64岁成功登顶的队员，也

第3次征珠峰凱旋歸 拉威：攜2隊員挑戰大

打破了我国本年度最年长珠峰登顶者记录。”

拉威占德南今日凯旋时，在吉隆坡国际机场向记者这么说。

他于今年5月12日成功登顶，前两次登顶是在2006及2007年。

拉威占德南来自森美兰瓜拉庇劳，同时也是博特拉大学校

友。他与团队于5月2日登上第1营地、第2及第3营地后，于5月5停歇，并于5月9至11日攻顶，最后在12日成功登顶。

他说，这不是一项简单任务，特别是面对每小时60公里风速，导致手指几乎冻伤，而必须佩戴氧气筒。

“我计划明年第4次再次挑战珠峰时，将做足准备，以便届可不必依靠氧气筒。”

Sultan Selangor raikan 800 alumni UPM di Majlis Sirih Pulang ke Gagang ke-11



Sultan Selangor Sultan Sharafuddin Idris Shah melancarkan buku bertajuk "The Three Founding Faculties: Spurring The Glories of UPM" bersempena Majlis Makan Malam Sirih Pulang Ke Gagang @ Homecoming XI Tahun 2022 pada 1 Oktober 2022.

Oleh Mohamad Iman
editor@dagangnews.com

SERDANG 2 Okt - Sultan Selangor Sultan Sharafuddin Idris Shah berkenan berangkat ke Majlis Makan Malam Sirih Pulang ke Gagang @ Homecoming kali ke-11 anjuran Universiti Putra Malaysia (UPM), malam tadi.

Sultan Sharafuddin yang merupakan Canselor UPM berangkat tiba kira-kira pukul 8.30 malam di Dewan Besar Pusat Kesenian dan Kebudayaan Salahuddin Abdul Aziz Shah UPM, diriringi Naib Canselor Datuk Prof Dr Mohd Roslan Sulaiman dan Presiden Persatuan Alumni UPM Datuk Raihan Sharif.

ARTIKEL TERKINI

GEM ALFAH GEM Z MY IPT VIDEO BESTARI ANUGERAH SOKOAL SMART

Artikel Berkaitan

Mahasiswa ULAM terima sumbangan RM200,000 daripada MAWP

[READ MORE](#)

Buang sifat 'malas' dalam diri, ini cara untuk dapat A+ bagi Sejarah

[READ MORE](#)

Kelestarian pembelajaran di Green School, Bali

[READ MORE](#)

Senarai sekolah tidak dapat dibuka akibat banjir dikemas kini setiap hari Rabu – Radzi Jidin

[READ MORE](#)

Hari pertama sekolah, murid

[READ MORE](#)

Penerima komputer riba bersama Rais Akiteve (tengah) dan Dr Arbie (empat dari kanan) pada majlis penyampaian peranti di Pusat Perhubungan Alumni UPM, Seri-Batu 20.


6 pelajar terima 'laptop', janji akan cemerlang dalam pengajian

Menerima komputer riba secara percuma sudah cukup menggembirakan hati seslapa sahaja. Apatah lagi, jika yang mendapatnya adalah dalam kalangan mereka yang masih bergelar pelajar. Bagi pelajar Tahun Satu, Bachelor Perakaunan (Kepujian) Universiti Putra Malaysia (UPM), Salamullah Kamsol, dipilih sebagai salah seorang penerima komputer riba, semestinya membuatkan dirinya terharu dan sebak.

*Harga sebuah laptop di pasaran sangat mahal dan saya tak mampu membelinya.

BAHAGIAN F

CABARAN DAN IKTIBAR YANG DIPELAJARI (TAHUN 2022)



- Secara keseluruhan Pelan Strategik H.E.P.A 2022 yang dirancang telah dicapai dengan kerjasama berpasukan yang tinggi bagi setiap warga entiti HEPA.
- Namun demikian, keterhadan ke atas empat (4) perkara di atas adalah cabaran yang perlu ditempuhi dengan kesiapsiagaan dan perancangan strategik yang andal.

BAHAGIAN G

MELANGKAH KE HADAPAN

- Kelangsungan 2023 diteruskan dengan slogan ‘Eratkan Kerjasama Sesama Alumni’. Penekanan akan diberikan kepada kelangsungan sumbangan alumni menerusi tiga kelompok generasi alumni iaitu senior, pertengahan dan junior (alumni baharu).
- Antara projek/program berimpak 2023 adalah:
 - 1) **Projek Bas Solar** - Sumbangan alumni UPM, Encik Mohd Fahmi Mad Ali, Ketua Pegawai Eksekutif, Protech Master Coach Sdn. Bhd. Perancangan projek dalam tempoh enam (6) bulan dengan anggaran sumbangan bernilai RM122,940.00. Objektif projek ini untuk menyemarakkan semangat menyumbang alumni kepada *alma mater* melalui kepakaran masing-masing.
 - 2) **Projek Menara Jam Warisan Budu** – projek selama 16 tahun yang bakal direalisasikan pada tahun 2023.
 - 3) **Program Mekar UPM Dulu-dulu** – adalah rentetan daripada penubuhan kumpulan facebook UPM Dulu-Dulu sempena Jubli Emas 50 Tahun UPM bakal menyumbangkan RM50,000 kepada Rumah Kasih Alumni@BPP dan bantuan kewangan pelajar.
 - 4) **Program MEKAR Jubli Emas KPM' 73** - meneruskan legasi kecemerlangan Jubli Emas KPM'72 berupaya membawa manfaat besar untuk kebajikan para pelajar.
 - 5) **Inisiatif Little Free Library Alumni@PTJ** - Pusat Perhubungan Alumni dengan kerjasama Pusat Pengurusan Wakaf, Zakat dan Endowmen (WAZAN) UPM akan menggerakkan satu projek di bawah Read@Uni Laman al-Falah ARCUPM dalam menyumbangkan 20 kotak Little Free Library (LFL) kepada PTJ UPM. Objektif pewujudan LFL ini adalah untuk membudayakan amalan membaca dalam kehidupan seharian warga UPM bertepatan dengan Moto UPM ‘berilmu berbakti’, menyuburkan konsep derma, wakaf dan sedekah serta melestarikan hubungan

alumni dengan PTJ UPM dalam bersama-sama menyantuni para pelajar UPM.

BOX ARTIKEL

MISI UPM DI PUNCAK DUNIA@EVEREST

Dapat menggapai awan di puncak tertinggi dunia iaitu Gunung Everest menjadi impian setiap ‘kaki pendaki’. Bagi mereka selagi tidak mampu menakluk puncak penuh cabaran itu kepuasan sebagai seorang pendaki masih belum terpatri.

Bagi Ravichandran Tharumalingam, dinobatkan sebagai pendaki solo negara pertama yang menakluk puncak itu, sebagai satu pencapaian peribadi dan pencapaian untuk negara tercinta yang terbesar dilakukan olehnya. Kepuasan sebagai seorang pendaki boleh dikatakan sudah mampu ditakluki. Namun kepuasannya demi mengharumkan nama alma maternya iaitu Universiti Putra Malaysia masih belum tercapai.

Berbekalkan semangat cintakan alma mater dan berpandukan kepada slogan ‘Daripada Alumni kepada UPM’ hasrat untuk membawa bendera UPM ke puncak Everest dirancang, dilakukan dan akhirnya berjaya direalisasikan.

Dihadapan hampir 600 graduan baharu pada Majlis Konvokesyen UPM ke-45, bendera keramat UPM diserahkan oleh Naib Canselor UPM, YBhg. Dato’ Prof. Dr. Roslan Sulaiman kepada alumni kelas 1990 itu sebagai satu simbolik harapan warga UPM kepada kejayaan misi yang penuh cabaran.

Sejarah perjalanan kepada lakaran kejayaan misi dimulakan pada Mac 2022 dan pada 12 Mei 2022 bendera UPM berjaya dikibarkan di puncak tertinggi dunia. Ini bukanlah satu misi yang mudah. Malah ianya misi antara hidup dan mati. Semangat kecintaan yang tinggi kepada *alma mater* dan semangat kembali menyumbang dalam pelbagai cara dan bentuk telah membawa kepada kejayaan ini.



Berjaya merealisasikan impian seluruh alumni dan warga UPM untuk melihat bendera UPM berkibar megah di puncak Gunung Everest



Tahniah diucapkan kepada Ravichandran Tharumalingam dan seluruh warga UPM atas kerjasama dan semangat kekitaan dalam menjayakan Misi UPM di Puncak Dunia@Everest



Sumbangan kepada *alma mater* boleh hadir dalam pelbagai bentuk dan cara mengikut kepada kepakaran masing-masing